

مشاورت

مطبعة و محل اداره :

جفال اوغلنده امنيت
سندوفى جوارنده
شنگول يقوشنده
۲۲ نومرو

سلکمزموافق آثار
جدیدہ مع الممنونہ
قبول اولنور

درج ایدلہین آثار اعادہ اولنور

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و مشورہ اسلام بدین بحث ایدر و هفته درہ بر نشر اولنور .

صاحب و مؤسسلری :

آبونه بدلی

در سعادتده نسخہ سی ۵۰ یارہ در

ابوالعلا زین العابدین - ح . اشرف ادیب
تاریخ تاسیسی

سنه لکی	التی آیلدی	غروش
۶۵	۳۵	۳۵
۶۵	۳۵	روبله
۱۷	۹	فرانق

قیرلہ دن مقوا بورو ایله کوندریلیرسه سنوی
۲۰ غروش فضلہ آلنیر

۱۰ تموز ۳۲۴

یدنجی جلد

۱۹ شوال ۱۳۲۹ پنجشنبه ۲۹ ایلول ۱۳۲۷

عدد : ۱۶۴

باقیایه بوتون قباحتی ، مسئولیتی اونک اوستندن آتمایه قالدیشدی . او یله امیدایدیمیرکه یقیلمش اولان بذای مجدو شوکتمیزی یکیدن یوکسنتک ایچون فضائل اسلامیه نک لزومنده کی قطعی طویمش اولمق خصوصنده نسل حاضر بوتون انسال ماضیه یه تفوق ایده چکی کبی خلقی بولندیغمز زمانه کوره ارشاد ایتمکده کی قصورلرندن طولای علمامزه الک شدتلی مؤاخذلر یاغدییره حق اولان نسلده ینه اودر .

أوت ، ملتک معنویاتی اوزرینه چوکن ، بوتون جمعیتی استیلا ایدن ، کنجلیری لوٹ رذائل ایله مألوف ایدوب معالییه قارشی بوسبرتون طویغوسز برحاله کتیرن فساد اخلاق یاره لرینی قاپاتمق ایچون سینه لرده کالات اسلامیه نک او حیات ویرنجی نفخاسته بر بویوک اشتیاق اولدینگی کورویورز . انجق بو حس هنوز شرائط ضروریه سنی استکمال اتمه مشدر ، دیمه مزه محترم قارئلریزک مساعده بویورملرینی نیاز ایدرز .

خالقمیزی او یله کورویورم که بوا می تحقق ایتدیره چک ، یاخود تحققی ممکن بر حاله کتیره چک اسبابک هیچ بینه التفات ایتمکسزین اریکته استراحتلرینه قورولمشلرده فضائل اسلامیه نک کوکدن یاغمور شکلنده اینه رک اوزاقده کیلرینی ، یاقینده کیلرینی سیراب حیات ایتسینی ایسته یورلر ! ده ا طوغروسی خالقمیزی او یله کورویورم که اوفضائل صنفلرینه مخصوص برلباس اکتسا ایدن ، یاخود مبین بعض کتابلری اوقویان ذواتدن باشقه سی واسطه سیله اله ایدیله من اعتقادینی بسلیورلر . خایر خایر ، بویله بر ظنده بوانه حق اولورسوق عقلمزلحقوقی ابطال ایتمش اولدوقن باشقه اوینه قاپانوبده بوتون حاجات معیشتنک خزینه غییدن کلسنی بکله یین مسکینلر درکسینه اینرز . او یله دکل ، بادیه خارجه چیقما یان اعرابینک آرزومان ایچنده آکلامقده کوچلک چکمیدیکی فضائل اسلامیه امتک منورالفکر کنجلیری ایچون هیچ بر وقت زور اوله ماز .

اسلامک اساسلری ذهنده یر ایده ییامک ایچون اوزون اوزادی داله یاخود تمهیده محتاج دکلدز . اولر احاطه سی قولای ، طرزی ، محتای غایتی واضح او یله بر طاقم قاعده لردر که انسانک علمی لاحق اولور اولماز قلب - درجه سنی تعریف ایچون سوز بوله مایه جغمز قدر بوبوک - بر اطمینان ایله قبول ایدر .

اگر انسان حقایق کائناته واقف اولورده وجدانی اوزرنده حاکم اوله رق اودا اولمکی هیجان وخروشندن صوکره بوقدر اساسلی بر سکون تأمین ایدن اطمینانک سربنی اکلامق ایسترسه اولا اسرار خلقتی ثانیاً تکالیف حیاتی ثالثاً بوتون شو کائناته حاکم اولان قوانین فطرتی رابماً بشرک قسری بر حرکتله قوشوب کیتدیکی غایتی تدقیق ابامسی ایجاب ایدر . اوزمان کوریر که مسلمانلقدده کی اساسلر احاطه سی بوقدر قولای بوقدر سریع اولمسلیله برابر انسانی مادی ، معنوی فانی ، باقی الحاصل بوتون معناسیله سعاده ایصال ایده چک یکانه طریقدر ، اوت یکانه شامراء نورانوردر که بشر کندیسنه رغماً اونی ی فطرنده اولدینی کبی بوکون بوتون حکمهای عالم او طریق

حکمتی کندیلرندن اوزاقده کوربیورلرده وصول ایچون هر درلو شداندی اقتحامه چالیشیورلر .

بکاعلا ! مسلمانلک اساسلرینی احاطه بوقدر قولای ، قواعدی بوقدر صاغلام ایکن فصل اولیورده او اساسلری غائب ایتدیکمزدن طولانی متأثر کورینیورز ؛ فصل اولیورده بزه احکام دینی ایضاح ایده میورلر دیه شوندن بوندن شکایت ایدیورز . حالوکه او اساسلر قرآن کریمده ، حدیث پیغمبریده ، ده ها صوکره سلف صالحک آثارنده الک صریح عبارله الک رقیق اشارتله تمهید ایدلمشدر . مسلمانلر ظن ایدرمی که جناب حق قرآنی انجق بر صنف مخصوص طرفندن اکلاشلسون ؛ یاخود معناسی هیچ دوشونیلمه مک شرطیله یاأولولرک باشی اوچنده یاخود سوقاق اورتیلرنده اوقونسون ؛ یاخود شلکلی کیجه لرده ناکیکله کورولتولری ، توتون دومانلری ارمسندده یوکسک سسله نرم ایدلسون دیه کوندرمشدر ؟ مسلمانلر ظن ایدرلر می که علیه الصلاة والسلام اقدمزک احادیث کریمه سی یالکیز بر طاقم حاجاتک تأمین ، یاخود قضالرک دفعی ، یاخود برکت جایی ایچون تلاوت اولمق ایجاب ایدوب بشقه بر خیره یارامه سون ؟ مسلمانلر آرتق اکلاملیدرلر که بونلرک کافه سی مسلمانلغه منافیدر ؛ همده جناب حقک عقابنی مستلزمدر .

قرآن که هر آیت بلندی بر مجموعه حکمتدر ؛ احادیث نبوی که قوانین اجتماعیه نک روحیدر ؛ جناب حق بونلرک صحائف اوراق اوزرینه یازیلوب بوتون طبقات امت آرمسندده نشر اولماسنی انجق احکام جلیله سی تأمل ایدلمک ، اوامری ، نواهیسی دستور حرکت اتخاذ اولمق ایچون امر بویورمشدر . چونکه فانی باقی هرایی سعادتک مداری ، هرایی حیاتک استنادکاهی بودر . تاریخ مسلمین بزم ایچون بوباده الک بویوک بر حجتدر . بکاعلا ! ایشه رحمت اسلامیه یه نه درجه لرده محتاج اولدیغمیزی اکلادق . لکن نه ایچون هریمز استطاعتی نسبتنده اوکلالاتی احرازه چالیشمیور ؛ ولاتکلف نفساً الاوسعها »

محمد ماکف

اسلامده فن وفلسفه

« هوای نسیمی کثافتنک ارتقاعله تناقص ایتدیکنی ایلك دفعه بیان ایدن ینه الحازندر .

الحازن دیبورکه : مائلاً هوای نسیمی به داخل اولان شعاعات ضاییه ، محدبیتی ارضه متوجه اولمق اوزره بر محرك منحنی تعقیب ایدر . شو حالده کوزمزه واصل اولان شعاعات استقامتجه بوکوکبه باقدینمز وقت ؛ اونی ، شعاعاتک کوزمزه چارپدینگی محله محرك محده مماس اولان خط استقامتده رؤیت ایده چکمزدن ؛ سمت الرأسه ده ا قریب کوریرز . حالوکه کوکبک مرقعی حقیقت حالده اودرجه مرتفع دکلدز .

الحازن بر جسم وزنك واسطه محیطه کثافتیه تحول ایتدیکنی
ایضاح ایدرکن دیورکه : واسطه محیطه نه قدر جوق کشف
اولورسه جسمك وزندن غائب ایده جکی مقدارده او قدر زیاده
اولور . صو دروننه مغطوس اجسامه ، صویک اجرا ایده جکی
تضییق نظر اعتباره آنورسه سفائن مثالی اجسام سابعه مسئلهسی
قولایجه حل ایدیه بیلیر .
الحازنك مرکز ثقلت نظریه سنه دخی وقوف تامی اولدیغنی
آنارینك مطالعه سندن مستبان اولیور .

حق نظریه مذکوریه ترازوی ومقیاس قوتلره تطبیق ایده رک
بونلرک ، سکونت ویا حرکت حالده بولندقلربنه کوره ، مرکز
ثقلتلری ایله مرکز ثقلتلری آره سندنکی مناسباتی تعینه بیله موفق
اولمشدر . عالم اسلامك بو بیوک حکیمی تدقیقات وکشفیاتنده ده
ایلری کیده رک جاذبه ارضك بر قوت اولدیغنی قبول ومسافه ایله
تحول ایتدیکنی بیان ایلمکده در .

تحول مذکورك مسافه مربعلیه متناسب اولدیغنی کیفیت الحازنك
نظر دقتندن قاجمشدر . او ، جاذبهی صرف ارضه مخصوص بر
قوت کی تلقی ایلوردی . جاذبهك بر قوت عمومیه اولدیغنی کشف
ایتمك شرفی انکلتزه حکمای مشهوره سندن (نیوتون) نصیب
اولمشدر . الحازن سربست برافیلان جسمارك مدت سقوطلری
واثنای سقوطدهکی سرعتلریله قطع ایتدکری مسافه لر آره سندنکی
مناسباتی پک کوزل آ کلامشدری .

آثار شهریه قانونلری حقددهکی مطالعاتی واضح وحقیقته
مطابقدر . الحازن بو کشفیات معظمه سنی اختراعه موفق اولدیغنی
دقیق وغایت مکمل (مقیاس مایعات) ایله تتویج ایلمشدر .

شعاعات ضیائییهك هوای نسیمی داخلنده برحک منحنی رسمی
صورتیه انتشار ایتدیکنی کشف ایده رک عالم فته خدمات مهمه ایفا
ایتمش اولان بو بیوک ذاتك نام ذی احترامی کمال تکریم ایله یاد
ایتمك وظائف قدر شناسیدندر .

هرنه قدر آرده یدی عصردن زیاده بر مدت گذران ایتمش
ایسه ده عصر حاضر فیزیولوژیستلری ینه کنذیلرینه الحازنك برر
شا کردی نظریه باقه بیلورلر . فی الحقیقه ، الحازن کنذیلرندن پک
جوق زمان اول اشکال حیوانیهك تحول وتکامل تدریجیسی مسلکینی
قبول وبوتون غیرتیه بو حقیقتی مدافعه ایلمشدری .

اسلاملر حکمت طبیعیه دهکی وسعت معلوماقلربنه رغماً (مقیاس
حراره) یی اختراع ایده مامش اولدقلری ظن اولنقددر ،
مع مافیه سخونتك تقدیرینه بر اهمیت مخصوصه عطف ایتدکری
جهتله شدت حرارتی تعیین ایچون (آره عومتره) دن استفاده ایتمك
چاره لرینی دوشوندکری محققدر .

حکمت شناسان اسلامیه ، کثافت مایعاتك درجه سخونتله
متحول اولدیغنی کشف ایلمشاردی . فقط تأثیر حرارتله حجم اولان
تحولاته دائر بر شی سویله مامشاردر .

انکسار نسیمی سبیلله ، شمس وقرک ؛ طلوعدن اول ویا
غروبدن صوکره ؛ ینه برر خیاللری مشاهده ایدیلرک بو کیفیتیه
ایلك دفعه الحازن ایضاحه موفق اولمشدر .

بو بیوک حکمت شناس دیورکه : واسطهك کثافتی نه قدر
جوق اولورسه خطوط شعاعیهك انحرافی ده او نسبتده زیاده اولور .
حرزمت ضیائییهك تعقیب ایتدیکی استقامت یالکیز قطع ایدیلن
واسطهك کثافتنه تابع اولوب تصادفی اوله رق بولنه جق بخاراتك
هیچ بر تأثیری یوقدر .

شمس وقر افقده بولندقلری وقت قطر شاقولیلری ده بیوک
کوریلور . الحازن بو حادثه یی ده انکسار نسیمی به عطف ایلمشدر .
کواکب ثابته ضیالرنده مشاهده اولنان بریق ولمانی ایسه انکسارک
تحولاتیه ایضاح ایلمکده در .

عینی احوال تختنده ؛ کواکبك جسم امتلرنجه مشاهده اولنان
فرط ظاهری به کلنجه ؛ الحازن بو کیفیتیه ده — آره یرده بمض
اجسام ارضیه کیرمسی سبیلله — او یولده تخیل ایتدیکمزه حمل
ایدیور .

انکسار حسیله ، شمسك مدت رؤیتی اوزایه جنی وبناء علیه
کیجه مدتك تناقص ایتیمی ایجاب ایده جکی حقیقتی ینه الحازنك
جمله بیاناتنددر .

هوای نسیمینك انعکاسی بختنده ایسه فجر وشفق حادثه لرینی
پک کوزل ایضاحه موفق اولمشدر . بوکون بزده حادثات مذکوریه یی
عینی صورته ایضاح ایدیورز .

الحازن جدأ خیر بخش بر ده ایله بو پرسنیلردن بالاستفاده
هوای محیطی ارتفاعك تقریباً یوز کیلو مترویه بالغ اولدیغنی حساب
ایلمشدر ! .. بو بیوک وفی نتیجه لری کنیسا اربابك سفیلانه
فلسفه لری ، فوق العقل معجزه لری ایله قیاس ایتمک بیلیم جسارتیاب
اوله بیلیرمی یز ؟

الحازنك کشفیات وایضاحاتی بوکون ده ایلك دفعه اوله رق
فن افاده میسنه عرض وتودیج ایدلمش اولسه فوق العاده حیرت
وتقدیرله استماع ایدیه جکنه شبه یوقدر .

(کتاب الموازنة العقلیه) عنوانی اثر معظمك مؤلفی دخی
الحازن اولدیغنی ادعا ایدیلور . بو کتاب توریس (Tauris) روسیه
قونسلسی موسیوقانیفوف (Kanihoff) طرفندن Livre de la balance
نامی آلتنده فرانسزجه به ترجمه ایدلمشدر .

شاید ادعا ایدلیکی وجهه اثر مذکور الحازن طرفندن یازلمش
ایسه مؤلفنك قدرت علمییه ایچون باشقه دلیل ووثائق آراغه
لزوم یوقدر .

تضییق نسیمی ایله کثافت هوایه آره سندنکی مناسبت بو کتابده
غایت آجیق بر افاده ایله تصریح ایدلمشدر . شو حالده تضییق نسیمی
کیفیتی ، توریحیلی دن خیل مدت اول اسلاملر طرفندن کشف ایدلمش
دیگدر .

ژاپونیا ده عثمانی - هلال مجلری

ژاپونیا ده مکتب و آیینی قای جعیتک ناشر افکاری اولان « داتو - مشرق اعظم » مجموعه سنک صوک کان نسخه سندن عیناً :

آه ارطغرل

آه او ارطغرل که بو کونه قدر ملتزم اونی اونوده میور . بوندن یکر می ایکی سنه مقدم - سلطانلرک هدیه سنی ایمبراطور مزه تقدیم ایچون کلشک . سز اجنبیلر کی طنطنه ایله دکل ساده فقط قدسی فقط صمیمی برامل ایله اقصای شرقه کی وطن مزه قدر کلوب محبتکزی بزه بیلدیر دیکر که بو تمام بزم روح ملیحی اوقشیوردی .

عثمان پاشا و آرقداشلری آسیانک اسلام قهرمانلری وطن مزه بولندقلری زمان ایمبراطور مرکز حسن قبول و توجه سندن نه قدر ممنون اولدیلر سه اهالیزک مسرت و محبتله ایدیلن آلقشیلرندن ده عین وجهله متأثر و ممنون ایدیلر .

او قهرمانلرکله سنی آلتون بوینسوزدن کوندن قرده شلرک ، وطنداشلرک سنک نه قدر مسرور و ته بویوک خبرلرله عودتی بکله مکده ایدی . لکن طالعک سنی بردها اولرله کورونیمه جک بر پرده ایله قیادی . یالکز : سزک محافظه جان اوغرنده کی غیرتکیز وطنداشلر - کزی آغلاندی .

عثمان پاشا و آرقداشلرینک بویله محو اولمسی غربک شرق منتهاسنده بولنان سز ترکلی نه قدر متأسف ایتدی ایسه بزی ده بو کونه قدر آغلامقده در . ارطغرلک غربق اولدینی محل اولنک ایچون موقع قضا ایسه ده مذکور یز بو کونکی ژاپون ایمبراطور لفتک مهندظهور - ی در . ژاپونیا عثمان پاشای مهدینه دفن ایتدی که اوراسی ، ژاپونلرک اولمه مک و اختیارلاماق فطرت فوق العاده سنده یراقلدینی اعتقادینی اکلامق اوزره کلن چین سفیرلرندن برینک جد امجد مزدن اولمه مک علاجک نه اولدیغنی صور دینی محلد . عثمان پاشا اوت غربق اولدی . فقط یاشیور . بقا علاجک صور دینی یزده یاشیور . عثمان پاشانک بتون محیطی کوره بیلن بر محله رکز ایدیلن آبدوسی بقای ، استقبالی امر ایدیور و دییورکه : ترکار ، ژاپونلر یاقلاشیکیز . بن ابدی بر واسطه میم ،

هرنه قدر ارطغرلده کی قهرمانلر بویله بر حال اسفنا که دوچار اولدیلر سه ده آلتن حرمتنه دیکیلن آبده استقبالده ایکی ملنک اتحادی ایچون باشلانیلان تشبثلرک برنجیسی اولدیغنه دلیل اوله جقدر . ارطغرل باتدینی زمان اطرافده کی اهالی جسورانه صولرله آتیه رق یاردم ایتشلر واللرندن کلن هر دورلو معاونتی ایتشلردر . صکره دن محل مذکورده کی آطیه جسم بر هیکل رکز ایتشلردر . محل غربقه ایمبراطورک رکوبنه مخصوص اولان « یای یاما » واپوری کوندرلش وفونکو ، هنی یه نی سفائن حریبه سیده مذکور محله کیده رک عساکر عثمانیه به معاونتارده بولنشلردر . لکن سزک کدریکیز بویله حرب کیلری ایله سپنه جک قدر مکدر .

زمانک تقدیری ایچون صرف ایتدکلری مساعینک ثمراتی بالفعل اقتطاف ایلمشلردر . صو ساعتلرینک (Clejsydre) انواعی اختراع ایدلشدی . الحازن کتابنده بو ساعتله دایر تفصیلات مهمه یرمشدر .

زمانک تقدیری وقرونومتری اصولنده ایلک بیوک خطوه بی آتمه موفق اولان ذات ، هیئت شناس شهر (ابن یونس) در . فی الحقیقه رقا صک ساعتله تطبیقی الک اول دوشونن وبالفعل تطبیق ایدن ابن یونس اولدینی محققدر .

مشهور لاپلاس مسلک عالم (Lj tème du monde) نام اثرنده محرک ارض تباعد عن المکزینسک تناقصی کیفیتنی اثبات ایتک ایچون ابن یونس والتبانی کی هیئت شناسان اسلامیه نک ارسداتندن استفاده ایلمشدر .

لاپلاس « بیورکه : دایره خسوفک میلی حقیقه ابن یونسک رصدات وحساباتی ، انکسار واختلاف منظر تصحیح ایدلکدن صوکره ، بیک سنه ایچون نظریه دن استخراج اولنان نتایج صوک درجه یقیندر . مشتری ایله زخلک جسماتجه فرقلی اولدقلرینه دایر استحصال ایتدیکی نناج رصدیه ایسه جدأ شایان تذکارد . » اولجه ده ذکر ایدلدیکی وجهله ارقام وحسابات ریاضیه ابن یونسک آثارله ایتالیایه کچمش واوراده فوق العاده حسن قبوله مظهر اولمشدی . بو تاریخدن اعتباراً روما ارقامی اعتباردن ساقط اوله رق یرینه ارقام عربیه قائم اولدی .

ظن اولندیغنه کوره ارقام عربیه بی آوروپالیلر طانتدیران ذات اندلس ده اکمال تحصیل ایتدکدن صکره سیلوستر (Lylvestre) نامیله یالانغه قدر ارتقا ایتش اولان مشهور (ژهر بر) در . فلسفه وفنون اسلامیه آوروپاده روما مسلکیله خیلی چارپشدقن ویایا اوچنچی ایتوسان (innoèent) ک مایوسانه مقاوتلرینه معروض قالدقن صوکره نهایت غلبه کاملیه مظهر اوله بیلدی . ایشته بو غلبه سایه سنده درکه آوروپا مدنیت حاضره سنک اساسلری قورولدی .

بو تاریخدن اعتباراً آوروپا مکتب و دارالفنونلرنده ابن رشد فلسفه سی ابن سینا وراضی طبلری سر بستجه تعلیم و تدریس ایدلکه باشلاندی . اندلس مدنیت اسلامیه سنی تصویر ایدن و دراپر کی مدقق بر عالمک قلعدن دوکولن شو سطرلر بزی ساعتله رجه وقفه کیر تفکر ایتلیدر . اسلامیتی مانع ترقی و مخرب فن اولمق ومدنیته قابل تألیف بولنماقله اتهامه قالدیشان کوه نظرانه قارشی دراپه رک تفصیلات آنفیه سنی تکرار اوقور و کندیلرینی انصافه دعوت ایده رز . دردنجی عصر هجری بی ده اول اندلس ده پروشیاب کمال اولان علوی ناصیه لر آره سنده بالخاصه فنون ایله اشتغال ایتش اولان اعظمندن بعضیلرینی تذکار ایده لم :

مدلی اعدادیسی مدبری

م . شمس الدین